

新 中 學 文 庫

文 天 祥 年 譜

楊 德 恩 著

商 務 印 書 館 發 行

中國史學叢書

楊德恩著

文  
天  
祥  
年  
譜

商務印書館發行

中華民國二十八年九月初版  
中華民國三十六年三月再版

(90136)

中國史  
學叢書  
文天祥年譜一冊

定價 國幣 柒元

印刷地點外另加運費

著 作 者 楊 德 恩

發 行 人 朱 經 農  
上海河南中路

印 刷 所 商 務 印 書 館  
印 刷 所 商 務 印 書 館

發 行 所 商 務 印 書 館  
各 地

\*\*\*\*\*  
版 翻  
權 印  
所 必  
有 究  
\*\*\*\*\*



宋丞相信國文公遺像

天祥去之未久

制使者承侍之夫解之

汀後即建福以次編失

朝廷考士之為其無死節

者 如心定生差強人意

不知之者死而不知其死之  
生如域中物力之所任從  
觀字當無一不為力且其  
平生之念三年不見之與  
壇亦一自訂福屯之始美

問道何與 老母相見 苦  
支帝游海河 玄學 却相公  
去年報伴用情 古 至常  
念之不忘 故 回 幸 漢 遺 一 部  
輝 兼 永 缺 之 依 之

文天祥年譜 遺墨

之

正

天

年



## 序

宋之亡也，守節不屈之士衆矣；顧以千挫百折，矢志不渝，從容就義，視死如歸，則未有如信國文公之烈也。當其出使臯亭，大酋懼之不爲屈；奔走真揚，制使逐之不爲餒；以至崎嶇嶺海，雖不可爲而必欲爲之；繫囚幽燕，雖猶可生而必欲殉之。此其精忠大節，俯視一世，誠足與日月爭光，與天地同壽也。第去今五百餘年，祠公傳公者有之，祭公哭公者有之，而迄未有詳備爲公譜生平者，得非天下之憾事乎？公在獄中，雖自撰有紀年錄一卷，然僅存大節，語多不詳，固有待於後之作者，爲之補綴。近人許浩基氏，嘗輯有文文山年譜一書，（民國十六年吳興杏蔭堂刊）亦大率仍錄紀年錄原文，未臻詳盡。思竊不敏，輒欲爲之補綴，以求全備。計自起稿至殺青，朝斯夕斯，凡六閱月，勉底於成。惟是學識淺陋，見聞有限，遺漏錯誤，仍所難免，倘蒙高明教正，幸何如之！至云著述，則吾豈敢！

中華民國二十七年十二月二十日，楊德恩謹識。

## 例言

一、年譜之作，體例不一。本書以公獄中自撰紀年錄爲綱，疏以紀年錄原注，公所作詩文，後人所作公傳，以及正史、雜記諸書。缺者補之，繁者約之，綱舉目張，以便閱覽。

二、所錄詩文，以有關於公之思想生活者爲主，其無關重要者，則不一一詳錄，以省篇幅。間或因詩文著作時間，難以考定，則寧付闕如，概不濫入，以求其真。

三、所取文集，以商務印書館所出版四部叢刊影印明萬曆間胡應臯刻文山先生全集爲主，參以清同治間楚醴景萊書室刻文信國公集。兩本編次相同，併此聲明。

四、後人所作公傳，據著者所可考見者，除宋史本傳外，有宋末鄭思肖文丞相敘（載心史）、龔開宋文丞相傳（載宋遺民錄）、元無名氏文天祥傳（載昭忠錄）、元劉岳申文丞相傳、明胡廣文丞相傳（均載文山先生全集附錄）、清陳宏緒文天祥傳（載清朝文錄）。其他如鄧光薦文丞相

傳，趙弼文信公傳，全篇概未之見，只從紀年錄注及古今圖書集成中抄得之。

五、公之事蹟，有彼此互異，莫知究竟者，均細加考證，折衷其說。其有無從引證，疑莫能明之處，則未敢武斷，仍存諸說，容待異日。

六、文公一生精忠大節，譜中固應表彰無遺，然如隨公勤王諸士，一念向正，至死靡悔，亦不可沒。本書不嫌詳盡，均爲譜及，藉示表勵忠義之意。

七、公就義之後，友人如王炎午祭之以文，汪元量招之以歌，謝翱哭之以記，皆爲千古傳誦之作，至如公柩之返葬，夫人之南歸，郡縣之祠公學宮，鄉人之梓公文集，以及順天柴市之立祠，文山舊居之建廟，明時之追贈諡號，清代之入祀文廟，皆與公之事蹟有關，似皆不可無錄，茲均附譜於後。至其他郡縣所建公祠，後人弔公之詩文，則所在多有，記不勝記，概從割愛。

八、附錄一門，專錄宋史及鄭思肖以下至胡廣諸人所作傳記。諸傳均有互相發明之處，故全錄之，以備參考。至清初陳宏緒文天祥傳，其自記僅云：「病其萎薈，別爲之傳。」蓋卽刪節前人諸傳，合而爲一，故不錄焉。

九、引錄原文，間有脫誤難解之處，均略加說明；其有疑莫能明，無法訂正者，只得仍存原文，用問號標明之。

# 文天祥年譜

公諱天祥，字宋瑞，一字履善，號文山，吉州廬陵縣淳化鄉富田人。

廬陵縣志卷二十六人物志：「文天祥，廬陵淳化鄉富田人。」又跋：「按宋史文山傳，以爲「吉之吉水人」，誤甚。據寶祐四年登科錄云：「本貫吉州廬陵縣。」文山集序其家世云：「廬陵文氏，先世居永和鎮，徙富田。」與吉守李書云：「某居廬陵南陬。」與廬陵令李書云：「某邑人也。」元夕律句云：「孤臣腔血滿，死不愧廬陵。」臨難自南安軍北行，絕粒數日，私念死廬陵，不失爲首丘。集中所載甚明，故通志考核精當，載入廬陵府志人物，全錄宋史原文，甚合志家體例，而於籍系誤處，未爲辨正，故補著於此。」

清林有席文丞相里居考：「宋史文信國天祥本傳，稱「吉之吉水人。」吉水，本廬陵所分，其所居富田故里，又吉水廬陵壤地相錯之區。富田亦有上下之別，而公實籍廬陵，而不隸吉水。自宋史

本傳外，爲公書事者不一。同時鄧光薦註年譜，元劉岳申、明胡廣各爲立傳，彭序爲富田祠祭田記，羅洪先爲富田祠記，多核實而不襲其訛。然其里介吉水廬陵之交，同爲一郡，地以人重，彼此固無嫌於互稱也。又考公文集所自述，其考革齋先生：「嘗考次譜系，文氏由成都徙吉州，五世祖炳然居永和鎮，高祖正中由永和徙富田，然則公實富田，遷徙居址，皆廬陵也。公自爲年譜亦同，初不一及吉水。或傳廬陵香林有五鳳岡，岡之下爲龍窟，里人指爲公所自生，後乃長於富田。明陳嘉謨云：「事遠不可考，豈兩地互借爲重乎？」作截句二章以志感，有「空餘兩地留喬木，傳信傳疑未可知」之句。殊不知其概無可疑也。富田之水曰富川，其流歸同江，同江亦廬吉交界境。其山曰文山，則在廬陵八十二都，公所取以自號者也。志載爲文山故里，集中有文山觀大水記云：「自文山門入，道萬松下，至天圖畫，一江橫前。行數百步，盡一嶺，爲障東橋。橋外數十步，爲道體堂。」堂爲文山宦後所構。公之桑梓，居文山之麓，其村居名富田，道體堂在焉。公之墓，又在廬陵舜化鄉，鰲湖記墓者以爲距公桑梓僅十餘里。然則自始生至卒葬，無一非廬陵境，又不必沿永和鎮、龍窟之說，而乃信公爲廬陵人矣。因修文山祠，檢閱宋史，特參合諸說確有據依者，爲公著里居之實，俾後學有

考。』（載廬陵縣志卷五十一藝文志）

廬陵縣志卷二地輿志：『淳化鄉，同治元年奉文敬避御諱，改爲舜化鄉，在縣東南境，卽宋順化鄉也。東北接吉水中鵠鄉，東界吉水文昌鄉，東南界永豐明德鄉，南界贛州興國縣境，西界泰和仁善鄉，北界儒林鄉，領十二都四十六里。』按謂卽宋順化鄉，今公集中均作淳化，未有作順化者，疑縣志誤也。

廬陵文氏，來自成都。公六世祖炳然，徙居永和鎮，五世祖正中，又徙富田，遂定居焉。

先君子革齋先生事實：『先君子嘗考次譜系，文氏繇成都徙吉。五世祖炳然居永和鎮，高祖正中，繇永和徙富川。』（文集卷十一）富川爲富田水名，卽富田也。按此爲公父推算，在公自爲六世祖，五世祖矣。

高祖利民，妣郭氏。曾祖安世，贈太保邢國公，妣劉氏。祖父時用，贈太傅永國公，妣鄒氏，繼劉氏。父儀，字士表，人稱革齋先生，贈太師惠國公，母曾氏，封齊魏國夫人。

先君子革齋先生事實：『曾祖利民，妣郭氏。祖父安世，妣劉氏。考時用，妣鄒氏，繼母劉氏。世有吉德，

鄉以君子長者稱。」（文集卷十一）

紀年錄注：「曾祖安世，贈太保邢國公。大父時用，贈太傅永國公。父儀，字士表，人稱革齋先生，贈太師惠國公。母曾氏，齊魏國夫人。」

答歐陽祕書承心制說：「先伯祖生男三，長曰行，是爲先伯；次爲先人；又次曰信，是爲先叔。女一，是爲吾姑。先人歲餘嗣先祖後。」（文集卷十）

義陽逸叟曾公墓誌銘：「公諱珏，字天錫，號義陽逸叟，天祥外王父也。曾氏世家盱江，徙吉之泰和梅溪。」又：「子二：棐，集女四：適錢光延、康師顏、于天秩，其仲，天祥母也。」（文集卷十一）

公弟三：璧、霆、璋。妹三：懿、淑、順孫。

文壁齊魏兩國夫人行實：「先母兩國夫人諱德慈，吉泰和義陽曾氏中女也。」又：「子男四：天祥、璧、霆、璋，霆孫早卒。女三：懿、淑、順孫，順孫早夭。」（文集卷十八附錄）

集杜詩孫棗序：「宣教郎，帶行監官告院，知吉川龍泉縣孫棗，子長妹夫也。」又彭震龍序：「宣教郎，帶行太社令，知吉川永新縣彭震龍，子次妹夫也。」（文集卷十六）



妻歐陽夫人，妾顏孺人，黃孺人。子二：道生、佛生。女六：定娘、柳娘、環娘、監娘、奉娘、壽娘。

集杜詩妻序：「夫人歐陽氏，環之生母，顏、佛之生母，黃。」又長子序：「予二子，長曰道生。」按次子卽佛生。又二女序：「予六女，長定娘，次柳娘，次環娘，次監娘，次奉娘，次壽娘。」（文集卷十六）其後二子皆亡，以璧次子陞爲嗣。

廬陵縣志卷二十八人物志：「文陞字遜志，廬陵人，宋丞相天祥弟璧之次子也。天祥被執，諸子死，以陞爲後。璧爲元惠州總管，陞贅清江家焉；皇慶間，授集賢直學士，代祀嶽瀆，卒於贛。子富，累官延平路總管。」

茲列公之譜系如下：